

Dumonda Gort concernent ina pagina d'infurmaziun per impediments da vias communalas

Per la rait da vias chantunalas inscriva il chantun il stadi, ma er impediments e serradas, sin la pagina d'internet strassen.gr.ch. Per la rait da vias communalas na pon percenter vegnir fatgas naginas endataziuns en quest sistem.

Ils pumpiers dal Partenz Central ans han rendì attent, ch'i capitia adina puspè che las vias èn strusch, insumma betg u mo temporarmain transiblas pervia da plazzals. I fiss giavischaivel che las vischnancas tramettessan talas infurmaziuns als pum-piers.

Ina soluziun per quest giavisch fiss eventualmain, sche la pagina d'internet strassen.gr.ch vegniss extendida uschia, ch'er las vischnancas avessan dretgs da scriver per la rait da vias communalas e ch'ellas pudessan endatar impediments da vias. Là pudessan lura tuttas e tuts, en spezial tut las organisaziuns a glisch blaua, profitar da las infurmaziuns. Mia dumonda al UCB ha dentant mussà, che quai n'è apparentamain betg uschè simpel. Gugent citesch jau or da la resposta dal UCB:

«En sia versiun revedida è il sistem d'infurmaziun davart il stadi da las vias concepì per las vias chantunalas e naziunalas. Ord vista tecnica fiss in'extensiun sin las vischnancas – en cas d'ina realisabladad generala – pussaivla mo cun custs considerabels:

- I duvrass adattaziuns voluminusas dal sistem d'input e d'output.
- Per endatar il stadi da las vias è deponì in inventari georeferenzià da tut las vias chantunalas e naziunalas. Per las vias communalas na stat quest inventari betg a disposiziun. Ensemen cun il stadi da las vias vegnan regulads signals da traffic variabls sin il traject. In'extensiun dals dretgs d'access sin terzas persunas stuess vegnir giuditgada da nov areguard la segirezza da la IT.

Tant in'eventuala «emprima configuraziun» sco er il manaschi current ed il support dal sistem dal stadi da las vias chaschunan custs. Tenor la Lescha davart las vias n'enconuschain nus naginas basas giuridicas per surpigliar ils custs per las vias communalas. Ina finanziaziun gista areguard ils custs fiss fitg complexa.»

Las sutsegnadras ed ils sutsegnaders drizzan perquai las suandantas dumondas a la Regenza:

1. Co giuditgescha la Regenza il basegn da las organisaziuns a glisch blaua respectivas sco er da las vischnancas e da las regions da pudair implementar eventuels impediments da las vias en in instrument? Ha la Regenza datas en chaussa?
2. Vesa la Regenza la realisabladad e pussaivladads d'introducì in nov instrument u d'extender in instrument existent per la tgira dals stadis da las vias communalas, uschia che las vischnancas pudessan tgirar là lur rait da vias?
3. Co stima la Regenza las consequenzas finanzialas respectivas per l'emprima installaziun sco er per il manaschi e per il support?

Cuira, ils 12 da favrer 2025

Gort, Holzinger-Loretz, Cramer, Adank, Altmann, Beeli, Berthod, Berweger, Brandenburger-Caderas, Brenn, Brunold, Bundi, Butzerin, Candrian, Casutt, Collenberg, Cortesi, Degiacomi, Della Cà, Dietrich, Dürler, Epp, Furger, Gansner, Grass, Heim, Jochum, Kasper, Koch, Krättli, Lamprecht, Mani, Menghini-Inauen, Metzger, Morf, Rauch, Righetti, Sgier, Städler, Stocker, Tomaschett, Ulber, Weber, Wieland